

Museo Numismático Aruba lo presenta pronto e plannan cu ta na caminda


ORANJESTAD (AAN) -- Museo Numismático Aruba lo presenta pronto e plannan cu ta na caminda, entre otro:

* Un poster cu historia numismático di Aruba (historia completo di placa cu a worde usa na Aruba).

* Di e mesun proyecto ey lo sali un calender pa 2004 (cu placanan cu a worde usa na Aruba y placa di Aruba).

Museo Numismático a cumenza cu su proyecto di poster, cual lo mester keda cla den vacacion grandi.

Ta trata aki di un poster cu lo conta e historia di e placanan cu a worde usa na Aruba, cual ya ta conoci pero cu nunca nos a wak'e atravez di placa. Esey tambe ta algo sumamente histórico y importante. E proyecto aki lo ta en com-



binacion tambe cu un exposicion temporal di monedanan cu ta di e era colonial te cu e monedanan actual.

Museo Numismático ta sumamente orguyoso di bay presenta e historia Numismático di Aruba, y ta spera di haya hopi acogida ya cu e posternan lo ta bay ta na benta durante e exposicion.

E proyectonan lo worde ehecuta mientras cu museo ta den fase di "inrichting permanent". E exposicion di historia Numismático di Aruba lo ta temporal pero ta haci e obra inmortal door di expone esaki

tambe riba un poster.

Museo Numismático di Aruba ta trahando duro riba e

exposicion importante aki cu ta manera un linea cora, cu ta

core door di cultura y historia di Aruba.

Diario. - (27 mei 2003) ; p. 21